

佛說四輩經

西晉月氏國三藏生法護譯

景

聞如是一時佛在舍衛國祇樹給孤獨園介時諸四輩弟子天帝龍鬼神寶諒神皆詣祇樹稽首佛足却就常位坐佛告諸弟子吾今所出經法所可教誠皆自各守其意念末世毒熱之時四輩弟子若出家若居家修道皆狂醉衆色不復承用佛經法專愚自用便使吾道薄淡今世人謗訕吾道信是弟子傲慢所致驚驚子整衣服又手一心聽佛說四輩經如是

佛言若末世男子能出家除剃頭髮為道者第一去離愛欲志存大乘常當慈悲喜護為主去想行普念一切銷飛瑞動之類視之如身無異不得妄起恚怒深入明度常以明度權便誘致賤冥使入無極以戒德除心穢病不得為世間之業能行此者便可出家名曰道士不可依恃吾法自以出家為信不專念道或能有下賤之人倚道自活無益一切而但出意說

為人師主輕薄戲調不自檢察使尊法薄淡世人不信非吾出家弟子之法也

佛言若有女人出家除髮為道以去受欲當專精靜處不得與出家男子同廟止若行師受當有等類不得獨往稟受常當晚出早還不得妄出廟宿止但得教授女人不得教授男子所著衣服不得刻繒帛絲色必於不得輕言戲語不得貪財寶物戒行清淨名曰出家人若輕言戲調末語預笑心志不齊意行穢濁惡口罵詈輕言不節不能靜處惱慢自大不自檢勅者雖復出家故是賤人非出家弟子也

佛言若有男子心志繫道不能出家者在於受欲之中當受持五戒月六齋第一孝順父母治家養子朝暮燒香然燈稽首三尊悔過十方恭敬四輩不得慢輕自去離慳貪常以至誠不得欺殆世人不得與世間人妻婦坐起同席住行相隨同室異林除去四事以四等心普視一切老者若

佛說四輩經 第三法 景

父若母少者若弟若子恒以明度法藥洗除衆病不得妄瞋志罵詈常以無極方便誘解世人使入大乘不得為新學者說深經奧妙之義當為除想識无罣碍者不得綺飾衣服不得與世間妻女戲調言語往來報答以致目緣如是者為清淨道人若行不清淨貪利財色或於世俗綺飾衣服手相翹舉但結非惡眇眇所欲輕言戲調末語預笑訛已同法口說妙言外似清虛內懷貪惑心存財帛以自供給活於妻子慢佛尊經不復修學及習外道之術世藥解秦符呪厭說療治衆病因緣外道解秦之術或於財帛勾束上下賊意欲得因解秦之術不持吾法當來者却皆由斯輩是故非吾法學弟子也

佛言若有女人不能出家在於受欲之中心樂道者當持五戒月六齋孝順父母姑婢叔妹夫賀不得過罵兒子婢使不得輕行來宿止他家不得與世間男子語言調弄譏笑不得妄瞋志罵詈惡口不得證說他人惡不得陷

佛說四輩經 第三法 景

人兒子妻妾奴婢過惡恒當專精念道為上首不得與世間凡人說法類類不得與人男子相斥不得教他人男子不得說世間吉凶善惡災變之相不得惱慢自大晝夜三時燒香稽首三尊悔過十方稟受經行言教自勸不得憐望供養貪利財帛不得嫉妬夫主當自賤女人身願為男子轉身受福可得上天宮觀自然是清信女人學道之法若不孝順惱慢姑嫜嫉妬夫主搥罵奴婢造惡自是怨恨恚怒毒意向人行者如是是為非法學女人弟子也

佛告諸弟子清慎汝心守護身口恒以四等濟衆生已道實之慧恩施一切如佛教誡必得度世弟子諸來會者聞佛說經歡喜奉行作禮而去

佛說四輩經

王寅歲高麗國大藏都監奉

勅雕造

四華經 第四卷 景

佛說過去世佛分衛經

西晉月氏國三藏竺法護譯

景

佛言過世有佛入城分衛與尊弟子諸菩薩俱弟子菩薩姿容相好皆志端正如本所行各得其道有一母人妾身數月見佛及僧有所至衷心自計願我所懷子生如此使為沙門佛弟子日月滿足即生安隱兒亦殊好與衆人異母以恩愛无意令兒行作沙門中有覺意即自念言我前有願若我生子當使為道兒今已生有異凡人令我安隱復無惡露不可惡嫗思愛之故違我本心子年七歲家復貧狹即作二人飯具及三法衣手持澡瓶自將其子行詣佛所稽首佛足前白佛言願哀我子使為沙門今後得道身形如佛佛即聽之令作沙門母以澡灌前洗兒手應時九龍從瓶口出吐水灌兒手中澡訖殘水散兒頭上水之淅淅於兒頭上化成華蓋珠交絡帳中有師子座上有坐佛佛笑口中五色光出照十億佛刹還繞

佛身從兒頭入母以飯具前上佛并食其子便發無上平等道意應時十億佛刹為六反震動衆刹諸佛皆自然現佛以母飯飽亦所佛及諸比丘僧皆等飽足其飯如故亦不損減母即歡喜及無數天人皆得阿惟越致時兒髮墮成為沙門即亦得立不退轉地母前白佛今我所見有三可恠我澡兒手九龍吐水此一可恠澡已殘水散兒頭上化成寶帳及師子座上坐佛是二可恠佛笑口中光從兒頭入是三可恠願佛為我分別說之佛言此兒却後十四劫當得作佛九龍當浴師子座華蓋寶帳佛笑光從兒頭入皆是其應母聞佛言倍懷踊躍後當作母人轉輪聖王積七百世竟其劫壽盡轉母人身當得阿惟越致佛言是時小兒我身是我今於世功德如是諸天龍神一切人民聞佛而說皆得阿惟越致

無熱佛 性空佛 天王佛 金仁佛

佛說過去世佛分衛經

王寅歲高麗國大藏都監奉

勅雕造 過去世佛分衛經 二卷 景